



Broj: 02-14-12144/19
Cazin, 13.01.2020.godine

Na osnovu člana 70. i člana 69. stav 1. tačka b) i stav 2. tačka d) i e) Zakona o javnim nabavkama BiH ("Sl.glasnik BiH", broj: 39/14) Služba za finansije, računovodstvo i trezor donosi

ODLUKU **o poništenju postupka javne nabavke**

Poništava se postupak javne nabavke Izgradnja atletske staze – LOT 1 – pripremni radovi na izgradnji atletske staze i LOT 2 – nabavka i ugradnja asfalt betona u skladu sa obavještenjem o nabavci broj: 697-1-3-113-3-34/19, objavljenim u Sl.glasniku BiH, broj: 81/19 od 13.12.2019.godine, te se **smatra da isti nije ni pokrenut.**

Obrazloženje

Ugovorni organ je pokrenuo postupak javne nabavke - otvoreni postupak na osnovu odredbi Zakona o javnim nabavkama Bosne i Hercegovine („Sl.glasnik BiH“ broj: 39/14), u skladu sa Odlukom o pokretanju postupka javne nabavke i u skladu sa tehničkom specifikacijom.

Ugovorni organ je u skladu sa članom 88. Zakona o javnim nabavkama Bosne i Hercegovine („Sl.glasnik BiH“ broj: 39/14) objavio obavještenje na portalu javnih nabavki broj: 697-1-3-113-3-34/19.

U skladu sa obavještenjem o nabavci broj: 697-1-3-113-3-34/19 od 27.05.2019.godine svi zainteresirani ponuđači su mogli dostaviti svoje ponude do dana 07.01.2020.godine, 14.00 sati, a otvaranje istih je predviđeno za 14.05 sati istog dana.

Do roka za dostavu ponuda pristigle su ponude tri (3) ponuđača, i to:

1. HODURNIK DOO
2. RAD BH DOO BIHAĆ
3. I-SELIMOVIĆ D.O.O

Nakon izvršenog pregleda i analize pristiglih ponuda utvrđeno je od strane Komisije da Ponuđač "RAD BH" doo Bihać postupajući u skladu sa tačkom 6.1. tenderske dokumentacije i odlukom o dopuni tenderske dokumentacije broj: 02-14-12144/19 od 23.12.2019.godine je dostavio garanciju za ozbiljnost ponude u gotovini, odnosno kao dokaz dostavio je uplatnicu kojom dokazuje da je u skladu sa instrukcijom o uplati izvršio uplatu novčanog iznosa u visini od 1.500,00 KM. Navedeni iznos nije dovoljan iz razloga što je ponuđač trebao dostaviti dokaz da je uplatio 1.5 % od procjenjene vrijednosti koja je iznosila 110.000,00 KM bez PDV-a. Dakle, ponuđač je trebao dostaviti dokaz da je na ime garancije za ozbiljnost ponude uplatio iznos od 1.650,00 KM, što nije dostavio u tačno navedenom iznosu, te se iz tog razloga ponuda ponuđača smatra kao neprihvatljiva za ugovorni organ.

Ponuđač „I-SELIMOVIĆ“ doo Cazin nije postupio u skladu sa tačkom 6.1. tenderske dokumentacije i odlukom o dopuni tenderske dokumentacije broj: 02-14-12144/19 od 23.12.2019.godine, te nije dostavio garanciju za ozbiljnost ponude u ovom postupku javne nabavke.

U toku postupka pristigla je ponuda “HODURNIK” doo Cazin i ista je prihvatljiva u pogledu dostavljene dokumentacije, a u skladu sa članom 3. stav 3. Pravilnika o uslovima i načinu korištenja e-aukcije ("Sl.glasnik BiH", broj: 66/16) gdje je propisano da u slučaju prijema jedne prihvatljive ponude e-aukcija se ne može zakazati, nego se postupak okončava u skladu sa članom 69. Zakona.

Komisija za javne nabavke je zapisnikom broj: 02-14-12144/19 od 09.01.2020.godine konstatovala da je ponuda ponuđača Hodurnik doo Cazin prihvatljiva u pogledu dostavljene dokumentacije, ali ista nije prihvatljiva u pogledu ponuđene cijene iz razloga što ista prelazi procjenjenu vrijednost ovog postupka javne nabavke, te ukoliko Ugovorni organ nema predviđena sredstva u visini preko procjenjene vrijednosti, predlažu da se postupak poništi, te raspiše novi postupak.

Kako Ugovorni organ u Budžetu Grada Cazina za 2020.godinu (“Sl.novine Grada Cazina” broj: 1/20) nema osigurana sredstva u iznosu većem od procjenjene vrijednosti iz tog razloga se imalo postupiti kao u dispozitivu ove Odluke.

Odluka o poništenju postupka javne nabavke ugovorni organ objavljuje na svojoj internetskoj stranici.

Cijeneći navedeno odlučeno je kao u dispozitivu

Pouka o pravnom lijeku:

Svaki ponuđač koji ima legitiman interes za konkretan ugovor o javnoj nabavci i koji smatra da je naručilac (ugovorni organ) u toku konkretnog postupka prekršio jednu ili više odredbi Zakona o javnoj nabavci i /ili podzakonskih akata ima pravo uložiti žalbu u roku od 10 (deset) dana u skladu sa članom 99. i 101. Zakona o javnim nabavkama BiH (“Sl.glasnik BiH”, broj: 39/14).

Obrađivač

Stručni savjetnik za pravne poslove i javne nabavke

Dostavljeno:

1. Svim ponuđačima,
2. Služba za stručne poslove Gradskog vijeća.
3. Evidenciji,
4. a/a.

POMOĆNIK GRADONAČELNIKA

mr. Đuzelić Ismet